

სსიპ საქართველოს სტანდარტებისა და მეტროლოგიის ეროვნული სააგენტო

სააგენტოს შენობის სარემონტო სამუშაოების (CPV 45400000) შესყიდვის

სატენდერო დოკუმენტაცია



დაფინანსების წყარო: 2015 წლის სახელმწიფო ბიუჯეტი
შესყიდვის სავარაუდო ღირებულება: 41 000 (ორმოცდაერთი ათასი) ლარი.

*სატენდერო დოკუმენტაცია შედგენილია „სახელმწიფო შესყიდვების შესახებ“
საქართველოს კანონის მე-12¹ მუხლის, „გამარტივებული შესყიდვის,
გამარტივებული ელექტრონული ტენდერისა და ელექტრონული ტენდერის
ჩატარების წესის დამტკიცების შესახებ“ სახელმწიფო შესყიდვების სააგენტოს
თავმჯდომარის 2011 წლის 7 აპრილის №9 ბრძანების საფუძველზე*

ქ. თბილისი - 2015 წელი

1. ტექნიკური მოთხოვნები

1.1 პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

1.1.1 ფასების ცხრილი დანართი №1-ის შესაბამისად.

1.1.2 სამუშაოების შესრულების კალენდარული გრაფიკი. (დანართი № 2).

1.1.3 პრეტენდენტს უნდა გააჩნდეს ანალოგიური საქმიანობის მინიმუმ 2 (ორი) წლიანი გამოცდილება. აღნიშნული ინფორმაცია წარმოდგენილ უნდა იქნეს დანართი №3-ის შესაბამისად. უკანასკნელი 2 (ორი) წლის განმავლობაში პრეტენდენტს შესრულებული უნდა ჰქონდეს მინიმუმ 1 პროექტი, რომელიც დაკავშირებულია სარემონტო სამუშაოებთან და რომლის საერთო ღირებულება შეადგენს 50 000 ლარს, რის დასადასტურებლადც პრეტენდენტმა უნდა წარმოადგინოს შესაბამისი მარწმუნებელი დოკუმენტაცია.

1.1.4 რეკვიზიტები დანართი №4-ის შესაბამისად;

1.1.5 პრეტენდენტის უფლებამოსილი პირის მიერ ხელმოწერილი თანხმობა იმის თაობაზე, რომ ტენდერში გამარჯვების შემთხვევაში შემსყიდველისთვის სამუშაოები შესრულდება სატენდერო დოკუმენტაციაში მოცემული ტექნიკური დავალების შესაბამისად.

1.1.6 პრეტენდენტის მიერ სისტემაში ატვირთული ყველა დოკუმენტი უნდა იყოს ხელმოწერილი და ბეჭედდასმული (ბეჭდის არსებობის შემთხვევაში) უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.2 სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას სატენდერო დოკუმენტაციით განსაზღვრულ მოთხოვნებზე.

ა) სატენდერო წინადადება უნდა მოქმედებდეს მისი სისტემაში ატვირთვის დღიდან „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ ეტაპების დადგომამდე;

ბ) ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1 (ერთი) %-ის ოდენობით.

გ) სატენდერო წინადადებაში საერთო და ერთეულის ფასი გამოსახული უნდა იყოს ყველა ხარჯისა და საქართველოს კანონმდებლობით დაწესებული გადასახადის გათვალისწინებით;

დ) პრეტენდენტს არა აქვს უფლება წარმოადგინოს ალტერნატიული წინადადება.

ე) იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის შემდეგ, შემსყიდველის მიერ განსაზღვრულ ვადაში უნდა წარმოადგინოს/ატვირთოს ფასწარმოქმნის ადეკვატურობის დასაბუთება. ფასწარმოქმნის ადეკვატურობა, შესაძლებელია დასაბუთდეს ექსპერტიზის

დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშგაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2. ტექნიკური დავალება

შესყიდვის ობიექტია სააგენტოს შენობის სარემონტო სამუშაოების შესყიდვა დანართი №1-ის შესაბამისად.

2.1 მიმწოდებელმა ისე უნდა მოახდინოს სამუშაოების შესრულება, რომ არ მოხდეს სხვა ნივთების ან ინფრასტრუქტურის დაზიანება.

2.2 მიმწოდებელმა უნდა უზრუნველყოს სამუშაო პროცესში დროებით დასაწყობებას დაქვემდებარებული მასალების (ასეთი საჭიროების არსებობის შემთხვევაში) მაქსიმალურად კარგ მდგომარეობაში შენარჩუნება და უზრუნველყოს მათი დასაწყობება შემსყიდველის მიერ გამოყოფილ ადგილას (ეზოში, ან შესაძლოა შენობის გარკვეულ სართულებზე). მიმწოდებელმა უნდა უზრუნველყოს მისი საქმიანობიდან წარმოქმნილი სამშენებლო ნაგვის, დატვირთვა სატვირთო ავტომობილებზე და მათი გატანა ნაგავსაყრელზე დადგენილი წესით. მიმწოდებელმა სამუშაოების დასრულების შემდეგ სამშენებლო ობიექტი უნდა დატოვოს სუფთა და მოწესრიგებულ მდგომარეობაში.

2.3 მიმწოდებელი ვალდებულია დაიცვას მის საქმიანობასთან დაკავშირებული საქართველოში მოქმედი ყველა კანონი, ნორმა და წესი, მათ შორის საქართველოს მთავრობის 2014 წლის 27 მაისის №361 დადგენილებით დამტკიცებული მშენებლობის უსაფრთხოების შესახებ ტექნიკური რეგლამენტის მოთხოვნები. გაითვალისწინოს სახელმწიფოს მიერ განსაზღვრული შეზღუდვები და აკრძალვები. მათი დარღვევის შემთხვევაში მხოლოდ იგი აგებს პასუხს კანონის წინაშე.

2.4 მიმწოდებელმა სრულად უნდა დაიცვას შრომის უსაფრთხოების ნორმები და წესები საქართველოს კანონმდებლობის შესაბამისად. სამუშაოების მიმდინარეობის პროცესში ყველა მუშა ადჰურვილი უნდა იყოს შესაბამისი მოწყობილობებით და სამუშაო ტანსაცმლით.

3. სამუშაოს შესრულების ვადა და ადგილი

3.1 სამუშაოები უნდა შესრულდეს ხელშეკრულების ძალაში შესვლიდან არაუგვიანეს 50 კალენდარულ დღეში.

3.2 სამუშაოები უნდა შესრულდეს შემდეგ მისამართზე: თბილისი, ჩარგლის ქ. №67.

4. ანგარიშსწორების პირობები

4.1 განიხილება მხოლოდ წინასწარი საავანსო ანგარიშსწორების მექანიზმი, უნაღდო ანგარიშსწორებით ლარში, რისთვისაც მიმწოდებელი ვალდებულია შემსყიდველ ორგანიზაციას წარუდგინოს ხელშეკრულების ღირებულების წინასწარ გადასახდელი თანხის სრული ოდენობის ან თეთრ სიაში რეგისტრირებულ მიმწოდებლის შემთხვევაში

ხელშეკრულების ღირებულების 50%-ის კანონმდებლობის შესაბამისად საქართველოში რეგისტრირებული და მოქმედი ფინანსური ინსტიტუტის მიერ გაცემული საავანსო, უპირობო, გამოუთხოვადი საბანკო გარანტია, რომლის მოქმედების ვადა არანაკლებ 30 კალენდარული დღით აღემატება ხელშეკრულების მოქმედების ვადას და ითვალისწინებს შემსყიდველის პირველივე მოთხოვნის შემთხვევაში არაუგვიანეს 5 სამუშაო დღის განმავლობაში თანხის ანაზღაურების ვალდებულებას. საბანკო გარანტია წარმოდგენილი უნდა იქნას ხელშეკრულების გაფორმებიდან 5 სამუშაო დღეში.

4.2 სამუშაოების დასრულებისას მიმწოდებელს და შემსყიდველს შორის გაფორმდება სამუშაოების დასრულების ინსპექტირების აქტი.

4.3 საბოლოო მიღება-ჩაბარების აქტის გაფორმებისათვის მიმწოდებელმა უნდა წარმოადგინოს სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული დასკვნა შესრულებული სამუშაოების მოცულობების, ხარისხისა და ღირებულების ხელშეკრულების პირობებთან შესაბამისობის შესახებ, ასევე მიმწოდებელმა უნდა წარმოადგინოს ფორმა №2, ანგარიშ-ფაქტურა. არსებობის შემთხვევაში: ფარული სამუშაოების აქტი თანდართული ფოტომასალით.

4.4 მიმწოდებელმა სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული დასკვნა უნდა წარმოადგინოს ხელშეკრულებით გათვალისწინებული სამუშაოების დასრულებიდან არაუგვიანეს 30 კალენდარული დღის განმავლობაში, შემდეგ მისამართზე: თბილისი, ჩარგლის ქ. №67.

5. დამატებითი მოთხოვნები

5.1 მიმწოდებლის მიერ შესრულებულ სარემონტო სამუშაოებზე საგარანტიო პერიოდი უნდა ვრცელდებოდეს არანაკლებ 2 (ორი) წლის განმავლობაში საგარანტიო. საგარანტიო პერიოდის დროს წარმოშობილი ყველა ტიპის დაზიანება თუ დეფექტი (თუ ის არ არის მესამე პირის მიერ განზრახ დაზიანებით გამოწვეული და დაცულია შესაბამისი ექსპლუატაციის პირობები) დაუყოვნებლივ, უპირობოდ უნდა იქნას გამოსწორებული შემსრულებლის მიერ საკუთარი ხარჯი.

5.2 სატენდერო წინადადებების წარმოდგენამდე სასურველია პრეტენდენტის უფლებამოსილი წარმომადგენელი ადგილზე გაეცნოს და შეაფასოს არსებული მდგომარეობა. საჭიროების შემთხვევაში ყველა საჭირო აზომვისა თუ სხვა ღონისძიებების უზრუნველყოფა, რაც საშუალებას მისცემს მას წარმოადგინოს არსებული სიტუაციით გათვალისწინებული სამუშაოების შესრულების ღირებულება, რომელიც არ დაექვემდებარება გაზრდას.

დანართი № 3

№	სამუშაოს დასახელება	შემსყიდველი ორგანიზაციის დასახელება	ხელშეკრულების ღირებულება	ხელშეკრულების მოქმედების ვადები

დანართი № 4

1. რეკვიზიტები:

- ✓ პრეტენდენტის იურიდიული ფორმა და დასახელება:
- ✓ ხელმძღვანელის სახელი და გვარი:
- ✓ პრეტენდენტის იურიდიული და ფაქტიური მისამართი:
- ✓ საიდენტიფიკაციო კოდი:
- ✓ პრეტენდენტის ტელეფონის ნომერი:
- ✓ ელექტრონული მისამართი:
- ✓ ბანკის კოდი:
- ✓ ანგარიშის ნომერი:

პრეტენდენტის ხელმოწერა _____
და ბეჭედი

დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. საკონტაქტო პირი:

ბექა კაკუშაძე.

ტელ: 598 76 40 76

ელ.ფოსტა b.kakushadze@yahoo.com

6. სახელმწიფო შესყიდვის შესახებ ხელშეკრულების პროექტი

ხელშეკრულება სახელმწიფო შესყიდვების შესახებ №

(გამარტივებული ელექტრონული ტენდერი SPA)

ქ. თბილისი

-----, 2015 წელი

ქვემოთ ხელისმომწერნი, ერთის მხრივ სსიპ საქართველოს სტანდარტებისა და მეტროლოგიის ეროვნული სააგენტო, წარმოდგენილი გენერალური დირექტორის დავით ტყემალაძის სახით (შემდგომში „შემსყიდველი“) და მეორეს მხრივ ----- სახით (შემდგომში „მიმწოდებელი“), ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ – (შემდგომში „ხელშეკრულება“) შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ასრულებს სამუშაოს ხელშეკრულების ფარგლებში.
- 1.6. „სამუშაო“ – ხელშეკრულების მე-2 მუხლით გათვალისწინებული ხელშეკრულების საგანი.

2. შესყიდვის ობიექტი

- 2.1. სსიპ საქართველოს სტანდარტებისა და მეტროლოგიის ეროვნული სააგენტოს 2015 წლების სახელმწიფო ბიუჯეტის ფარგლებში ----- სამუშაოების შესყიდვა (CPV-45400000).

3. ხელშეკრულების ჯამური ღირებულება

- 3.1 ხელშეკრულების ღირებულებაა: ----- ლარი.
(თანხა ციფრებით და სიტყვიერად)

- 3.2 ხელშეკრულების ღირებულება შეიცავს მიმწოდებლის ყველა ხარჯებსა და საქართველოს კანონმდებლობით დადგენილ ყველა გადასახადს, დაკავშირებულს სამუშაოების შესრულებასთან.

4. მხარეთა უფლება-მოვალეობები

4.1 მიმწოდებელი ვალდებულია:

- ა) სამუშაოები განახორციელოს წინამდებარე ხელშეკრულების 5.1 პუნქტით განსაზღვრულ ვადაში.

- ბ) გააფრთხილოს შემსყიდველი სამუშაოების შესრულების პროცესის შეფერხების თაობაზე;
- გ) საავანსო გადახდის მოთხოვნის შემთხვევაში წარმოადგინოს შესაბამისი გარანტია.
- დ) დაიცვას ხელშეკრულებით გათვალისწინებული ყველა პირობა.

4.2 მიმწოდებელი უფლებამოსილია:

- ა) მოითხოვოს შემსყიდველისაგან ხელშეკრულებით ნაკისრი ვალდებულებების შესრულება.

4.3 შემსყიდველი ვალდებულია:

- ა) მოახდინოს ანგარიშსწორება ხელშეკრულებით გათვალისწინებული პირობების შესაბამისად;
- ბ) დაიცვას ხელშეკრულებით გათვალისწინებული სხვა პირობები;

4.4 შემსყიდველი უფლებამოსილია:

- ა) შეამოწმოს შესრულებული სამუშაოების შესაბამისობა ხელშეკრულებით გათვალისწინებულ პირობებთან;
- ბ) განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;
- გ) უარი თქვას ხელშეკრულებით განსაზღვრულ მოთხოვნებთან შეუსაბამო სამუშაოს მიღებაზე;
- დ) მიმწოდებლის მიერ ხელშეკრულებით გათვალისწინებული პირობების დარღვევის შემთხვევაში მისცეს მას მითითება ვალდებულებების დარღვევის გამოსწორების შესახებ ან შეწყვიტოს (არ განახორციელოს) მიმწოდებლის დაფინანსება.

5. შესასრულებელი სამუშაოების შესრულების ადგილი და ვადა

- 5.1. სამუშაოები უნდა განხორციელდეს მხარეთა მიერ ხელშეკრულების ხელმოწერის დღიდან, არაუგვიანეს -----,
- 5.2. შესრულების ადგილი: ქ. თბილისი, ჩარგლის ქ. №67.

6. ხელშეკრულების ობიექტის ხარისხი და გარანტია

- 6.1. მიმწოდებელი ვალდებულია შემსყიდველს გადასცეს ხელშეკრულებით განსაზღვრულ მოთხოვნებთან შესაბამისი შესყიდვის ობიექტი.
- 6.2. შესყიდვის ობიექტი სრულად უნდა შეესაბამებოდეს წინამდებარე ხელშეკრულებით გათვალისწინებულ მოთხოვნებს.
- 6.3. სარემონტო სამუშაოებზე საგარანტიო პერიოდი ვრცელდება 2 წლის განმავლობაში, შესაბამისი ექსპლუატაციის პირობების დაცვით.
- 6.4. შემსყიდველი ვალდებულია წერილობითი ფორმით დაუყოვნებლივ აცნობოს მიმწოდებელს ნაკლის აღმოჩენის შესახებ.
- 6.5. შეტყობინების მიღების შემდეგ მიმწოდებელი ვალდებულია შემსყიდველის მიერ მითითებულ ვადაში აღმოფხვრას არსებული დეფექტები საკუთარი ხარჯით. საგარანტიო პერიოდში მიმწოდებელს დაეკისრება როგორც ხელშეკრულების ობიექტის დეფექტების აღმოფხვრა, ასევე აღნიშნული დეფექტების შედეგად შემსყიდველისა და მესამე პირებისათვის მიყენებული ზიანის ანაზღაურება.

7. ხელშეკრულების მოქმედების ვადა

7.1 წინამდებარე ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს ----- ჩათვლით.

8. შესყიდვის ობიექტის კონტროლისა და მიღება-ჩაბარების წესი

8.1 შემსყიდველი უფლებამოსილია ჩაატაროს შესრულებული სამუშაოს ინსპექტირება. ინსპექტირებას განახორციელებს სააგენტოს -----.

8.2. ----- უფლებამოსილია დაადგინოს შესრულებული სამუშაოს მოცულობის ხარისხისა და მიწოდების ვადების ხელშეკრულების მოთხოვნებთან შესაბამისობა.

8.3. ----- მიერ გამოვლენილი ნაკლოვანებების აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8.4. წინამდებარე ხელშეკრულებით გათვალისწინებული სამუშაოების შესრულების დადასტურების მიზნით, შემსყიდველსა და მიმწოდებელს შორის ფორმდება მიღება-ჩაბარების აქტი.

8.5. სამუშაო შესრულებულად ჩაითვლება მხარეებს შორის საბოლოო მიღება-ჩაბარების აქტის გაფორმების შემდეგ.

8.6. მიღება-ჩაბარების აქტის გაფორმებასთან ერთად, შემსყიდველს წარედგინება ყველა სხვა დოკუმენტი. (ფორმა №2, არსებობის შემთხვევაში: სასაქონლო ზედნადები, ფარული სამუშაოების აქტი). მიმწოდებელმა უნდა წარმოადგინოს სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული დასკვნა შესრულებული სამუშაოების მოცულობების, ხარისხისა და ღირებულების ხელშეკრულების პირობებთან შესაბამისობის შესახებ.

8.7. წინამდებარე ხელშეკრულებით გათვალისწინებული შესყიდვის ობიექტის მიღება-ჩაბარების აქტის ხელმოწერის უფლება ენიჭება -----.

9. ანგარიშსწორების წესი

9.1. ანგარიშსწორება განხორციელდება წინასწარ.

9.2. ანგარიშსწორების ვალუტა: ლარი; ფორმა: უნაღდო.

10. პასუხისმგებლობა ხელშეკრულების პირობების დარღვევისათვის

10.1. ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობით დადგენილი წესით.

10.2. ერთ-ერთი მხარის მიერ ხელშეკრულებით ნაკისრი ვალდებულებების დარღვევისას, მეორე მხარეს შეუძლია ხელშეკრულებიდან გასვლა, ვალდებულების შესრულებისათვის წერილობით ფორმით დამატებით განსაზღვრული ვადის უშედეგოდ გასვლის შემდეგ. თუ ვალდებულების ხასიათიდან შეუძლებელია დამატებითი ვადის გამოყენება, გაფრთხილება უთანაბრდება ვადის განსაზღვრას.

10.3. წინამდებარე ხელშეკრულების 10.2. პუნქტით განსაზღვრულ შემთხვევაში მხარეს შეუძლია მოითხოვოს ხელშეკრულებით ნაკისრი ვალდებულებების შეუსრულებლობით მიყენებული ზიანის ანაზღაურება.

10.4. თუ სამუშაოების მიმდინარეობის პროცესში შემსყიდველის მხრიდან ადგილი ექნება სამუშაოების შეფერხებას, მიმწოდებელი დაუყოვნებლივ ატყობინებს აღნიშნულის შესახებ შემსყიდველს, ასეთ შემთხვევაში შემსყიდველის მიერ ხელისშემშლელი გარემოებების აღმოფხვრისათვის საჭირო დრო არ ჩაითვლება სამუშაოების შესასრულებლად მიმწოდებლისათვის განსაზღვრული ვადის გადაცილებად.

10.5. ხელშეკრულებიდან გასვლისა და ზიანის ანაზღაურების რეგულირებისათვის გამოიყენება საქართველოს სამოქალაქო კოდექსის ნორმები.

10.6. შემსყიდველი უფლებამოსილია მიმწოდებლის მიერ ხელშეკრულების პირობების შეუსრულებლობის ან/და არაჯეროვანი შესრულების შემთხვევაში მიმწოდებელს დააკისროს სანქციის სახით ჯარიმა ხელშეკრულების ღირებულების 4%-ის ოდენობით.

10.7. არაჯეროვნად შესრულებას წარმოადგენს გათვალისწინებულ მოთხოვნებთან შეუსაბამო სამუშაოს გაწევა. ამასთან, არაჯეროვნად გაწეულად მიიჩნევა ნებისმიერი ვალდებულების შეუსრულებლობა, რომელიც ნაკისრი აქვს მიმწოდებელს წინამდებარე ხელშეკრულებით, გარდა 10.8 პუნქტით განსაზღვრული შემთხვევისა.

10.8. შემსყიდველი უფლებამოსილია სამუშაოს შესრულების ვადის გადაცილების შემთხვევაში დააკისროს მიმწოდებელს პირგასამტეხლო ყოველ გადაგადაცილებულ დღეზე ხელშეკრულების ღირებულების 0,1%-ის ოდენობით.

10.9. მიმწოდებელი უფლებამოსილია შემსყიდველის მხრიდან ანაზღაურების ვადის გადაცილების შემთხვევაში დააკისროს შემსყიდველს პირგასამტეხლო ყოველ გადაგადაცილებულ დღეზე ხელშეკრულების ღირებულების 0,1%-ის ოდენობით.

11. ფორს-მაჟორი

11.1. მხარეები არ არიან პასუხისმგებელნი ვალდებულებების სრულ ან ნაწილობრივ შეუსრულებლობაზე, თუ იგი გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა ან სხვა სტიქიური მოვლენა, ასევე ომითა და საომარი მოქმედებებით, თუ აღნიშნული უშუალო ზემოქმედებას ახდენს ხელშეკრულების შესრულებაზე. აღნიშნულ შემთხვევაში, ხელშეკრულების შესრულების ვადა გადაიწევს შესაბამისი დროით, ფორს-მაჟორულ გარემოებათა დასრულების შემდგომ.

11.2. თუ ხელშეკრულების პირობების სრული ან ნაწილობრივი შეუსრულებლობის გამომწვევი პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულება, კომპენსაციის მოთხოვნის უფლების გარეშე.

11.3. მხარე, რომელსაც შეექმნა ფორს-მაჟორული გარემოება, დაუყოვნებლივ წერილობით აცნობებს ამის შესახებ მეორე მხარეს.

12. დავები და მათი გადაწყვეტის წესი

12.1 მხარეთა შორის წამოჭრილი ნებისმიერი დავა ან აზრთა სხვადასხვაობა გადაწყდება მხარეთა მოლაპარაკებს გზით.

12.2 თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს უფლება აქვს დავის გადაწყვეტის მიზნით საქართველოს კანონმდებლობით დადგენილი წესით მიმართოს სასამართლოს.

13. სხვა პირობები

13.1. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც შედგება წერილობითი ფორმით და ხელმოწერილი იქნება მხარეთა მიერ.

13.2. ხელშეკრულების ყველა დანართი, ცვლილება და დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

13.3. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.4. მესამე პირებთან ურთიერთობებში მხარეები მოქმედებენ საკუთარი სახელით,

ხარჯითა და რისკით.

13.5. მხარეები პასუხისმგებელნი არიან მათ მიერ ხელშეკრულებაში მითითებული რეკვიზიტების სისწორეზე და მათი ცვლილების თაობაზე ვალდებულნი არიან წერილობით აცნობონ მეორე მხარეს.

13.6. ხელშეკრულება შედგენილია ქართულ ენაზე, თანაბარი ძალის მქონე ორ ეგზემპლარად და ინახება მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14. მხარეთა იურიდიული მისამართი და რეკვიზიტები
შემსყიდველი : **მიმწოდებელი:**

სსიპ საქართველოს სტანდარტებისა და
მეტროლოგიის ეროვნული სააგენტო

თბილისი, ჩარგლის ქ. №67

ტელ: 261-35-00

საიდენტიფიკაციო ნომერი: 200162224

ს/ს საქართველოს ბანკი

ბანკის კოდი TRESGE22

ა/ა 707177053

შემსყიდველის მხრიდან:

გენერალური დირექტორი

დავით ტყემალაძე

მიმწოდებლის მხრიდან:

დირექტორი

შენიშვნა: წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

